



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

VIII. Die Novembris.

**urn:nbn:de:hbz:466:1-9625**

ac solidæ in Deum pietati vlla ex parte deesset. Per annos 30. ante quam Societati nomen daret, citra voti obligationem quidem sed tamen ita sua omnia è Patris spiritualis nutu disponebat, vt nihil ageret suo arbitratu æquè atque si fuisset ad id solenni voti religione obstrictus. Aiunt illum cum Ducis munus gereret, quotidie pane Angelico vesci solitum, ad vires dignas eo munere à cibo illo fortium capiendas. Societatem ingressus est iam Sacerdos, ac septuagenario maior, auuente Præposito Generali. Malebat vel horâ vndecimâ venire quàm non venire: aiebatque sibi id è re fore non tam ad diu viuendum quàm ad apparatè moriendum. Et verò tota fere illius familia religiosa videri potest; cum illius Pater, Mater, fratres, sorores, filij, filia, alij alijs religiosis ordinibus sese addixerint, raro exemplo. Sui demissione perinsigni, se infra omnes demittebat roto eo duodeuiginti

mensium spatio quo in Societate vixit. Vnde oprabat Coadiutorum albo inscribi. Aiebat se esse instar formicæ in medio vasti maris quæ nihil possit nisi iunetur. Ita se pendere à Deo, aliàs mergendum inter tot seculi tempestates. Christi Crucifixi, & Matris Beatissimæ sub cruce stantis memoriam quotidie instaurabat hymno illo *Stabat Mater dolorosa iuxta Crucem lachrymosa* quotidie recitato. Cum Genuæ pestis vndequaque sæuieret, aiebat maiorem esse vel vnus peccati, etiam venialis, stragem quàm quicquid quælibet pestis potest calamitatis affetre. De Deo suauiter, scitè, nec sine lachrymis loquebatur, magno viro- rum etiam primæ notæ à quibus viscebatur, & sensu, & fructu. Atroces calculi dolores, & morbum extremum solidæ patientiæ, ac tenerrimæ pietatis adminiculis adiutus sapienter ac religiosè tulit vsque ad mortem.

Humil.

B V.

Peccatum.

## VIII. DIE NOVEMBRIS.

P. HENRICVS P. BERNARDINVS  
DIONYSIVS. PICCINVS.

8. Nouemb.  
Belga Tra-  
lecti. 1571.  
ætat. 51.  
Societ. 17.

Zelus.  
Moris.

Sepulcrum.

IN scholis, & in pulpito præstans, ad disputandum, mouendum, docendum. Inter alios Nicolaus Stratius Decanus Traiectensis à vita liberiore ad arctiorem hoc Magistro se adductum latatus, non nisi in eodem, in quo ille conditus est tumulo voluit tumulari. Biennio post, eâ ipsâ, quâ Nicolaus Decanus moriebatur nocte, Henrici tumulus ad locum Nicolao præbendû apertus repertus est. Puellæ quoque à natiuitate mutæ, quæ ægro Henrico caprinum lac afferre consueuerat, post mortem apparuisse ac illi mitè opitulatum ferunt.

NEGabat suo corpori voluptatem omnem, quam bonâ conscientia negare poterat; infligebat pœnas omnes, quas poterat; singulis sensibus singulas afflictiandi formulas præscribebat. In mensa ciborû saporem effusâ aquâ corrumpebat. Catenulâ ferreâ se cadebat, ferro cingebat. In oratione assiduus, aiebat hominem os esse omnium Creaturarum; debereque Deum ab illo, earum vice laudari. Si quando sacro per valetudinem operari se non posse videret, coronam B. Virginis recitabat, & vires pro sacro per eam im-

Italus Ro-  
mæ. 8. Nou.  
1612. Soc.  
45.  
Mortific.  
Oratio.

B V.

L L I petrabat.

Oratio.

petrabat. Fœminæ lachrymarum donum optanti author fuit vt B. Virginis lachrymas meditaretur, Filioque offerret. Paruit illa, & impetrauit. Orans à terra sublimis in cubiculo aliquando conspectus est, audito interea vt fertur cœlestis harmoniæ concentu. Plura de illo in vita.

## P. ORGANTINVS

BRIXIENSIS.

Italus Nā  
gāfachi mē-  
se ac die in-  
certo. 1609.  
ætat. 79.  
Societ. 56.  
B. V.

Celebre in historiis Indiæ Orientalis nomen. Aiebat eius Mater; multa illum olim pro Christo perpessurum. Ab herniâ voto ad B. V. Lauretanam edito repente sanatus cum illam viseret, nostri cuiuspiam comitate captus est: & Societatem Ferrariæ iniit, duobus fratribus suis ad illam vnâ secum adductis. Tusculi primum domicilium Societati fixit anno 1559. Laureti Rector cum esset, Indias impetrauit; vbi, Meaci potissimum, ferè Sociis præfuit, multa ibi aduersa perpessus, magni vir animi, ac Deo sanctè fidentis. Aiunt dæmonem quoque de illius in fide propaganda ardore fuisse conquestum, maximè cum quadam vice quadringentos baptismi expiasset, ac ij ad fanum certatim conuolassent, ac idola omnia euertissent. Reliqua ex annuis, & historia Soc. peti possunt.

Fides

## P. NICOLA VS

IAMOT.

Belga Gandavi. 8.  
Nou. 1634.  
ætat. 34.  
Societ. 16.

A Philosophico cursu cum acris in-  
ter docendum ingenij laude con-  
summato in Bredanum præsidium ad  
operam militibus curandis dandam  
vltrò prodiit, deinde, proximo post  
editam quatuor votorum professio-

nem die sese heroico charitatis munere apud Gandenses in peste addixit. quâ in administratione obsequij, præter alia communia, illud in eo illustre visum, quod (vt refert in Heroibus Alegambe) cum fortè aliquando ab ægroto rediens, iacere iuuenem extrema in vrbe sub dio ex ædibus ab hero eiectum audisset, eoque protinus occurrisset, expiasset, pane vitæ refecisset oleo sacro unxisset; humeris sublatum, viâ longissimâ, ad Nosocomium asportârît, vt eius corpori quoque consuleret. Hæc, ac plura his agentem mors nobilis occupauit.

Charitas.

## P. IOANNES

HAUSBRANDT.

Quicquid officij gereret, siue præ-  
esser siue subesset, erat totus ad  
omnem præclari coram extrariis, ac  
domesticis exempli normam compo-  
situs; vir in quo dolus non erat, vel ar-  
tificium. Nec ætatis, nec alio quouis  
obtentu volebat quicquam quod om-  
nibus non dabatur: nihil ex iis quæ  
leges, ac maiorum scita præscribunt  
omittebat, perquisitè attentus ad sin-  
gula. Illud in eo singulare diuinæ pro-  
uidentiæ argumentum eluxit, quod  
tribus ante mortem hebdomadis cum  
de festo Sanctorum omnium sollicitè  
quæreret, rogatus à confessario occur-  
rid faceret, responderit: Quandoqui-  
dem iam mundo inutilis sum, id vni-  
cè opto vt in octaua illius festi quâ o-  
lim prima Deo vota obtuli, mori mû-  
do, cælo viuere mihi concedatur. id  
quod euenit, licet ipso Sanctorum  
omnium die migraturus putaretur,  
adeoque omnibus ad mortem piè  
obeundam instrueretur. Nempe piis  
fidelis sui serui votis velut obsecunda-  
re voluit bonus Deus.

Germanus  
Hildesij. 8.  
Nou. 1639.  
ætat. 71.  
Societ. 50.

Regula.

Mori.

O. SS.

Vocatio.

P. AL-